

Empola ne emanyiso: Willem de Vink

Yeézu Masihi

Omuuntu Ayahiindwiile Ensi



NI CHIÍHA?




Ebibulia: Omu Bibulia noohicha kusoma nka nikwo Múungu alikubaleebáho abaantu no óokwo alikubeémania.



Echiganyizi: Múungu aganyila, noóbu hatéena omuuntu óogwo akwiile. Múungu aganyila koolaaba mazima waátamwa ebiheno na nooyeénda kuhiinduka.

Echiganyizi nichibonwa aha nsoonga Yeézu akeemucha omuchwaáziiko gwéetu óogwo íichwe tukaba tukwiile.



Echiheno: Amagaambo áago tukola butali obweenzi bwa Múungu áago gatwaangila kuguhikila omweétegeko gwa Múungu óogwo ayinagwo ha bwéetu.

Isitáani: Omubisa wa Múungu na abaantu atabonekana. (Káandi nilimanyiikana nki Izilwa).



Kusuba: Buli chiintu chilyáaba chisha obuchilo Yeézu alisuba omu nsi. Igulu ne éensi bilyáhiindulwa na Múungu.

Maléeka: Entumwa ya Múungu etakubonekana.



Masihi: Omukáma ‘Omusiigwa Mazuta’. Masihi (echigaambo che Echihebrania) lisasaánwiilwe omu Chiyunani nka Kristu.



Obukáma bwa Múungu: Obukáma bwa Múungu buli ahaantu áaho abaantu balikumugomookela.

Obulami bwo obucha no obuchiile: Obulami na Yeézu nko óokwo Múungu yaayenzilého. Noosiínga olufu na tihéena omuhélo.

Obumo: Abaheémba ba Yeézu beezuka olufu lwoómwe no okuzooka kwoómwe aha mukaate ne evíni.

Okusaba: Noohóoya na Múungu, chinúunu nali ahi iláka na noomuhuliiliza weényini.

Okuzooka: Yeézu akazooka kuluga omu bafwiile. Chilo chimo abaantu bóona balaázoolwa kuluga omu bafwiile. Mála Múungu alyaámuchwaáziika buli muuntu.

Okwiikiliza: Kumwiíkiliza Múungu habwe éecho yaalagéene kuchikola.

Omugisa: Ne ebiintu byóona ebizima éebyo Múungu alikweenda kubaha abaantu abalikukola éebyo alikweenda.

Omuheémba: Entumwa ya Yeézu.

Omusalaba: Echikozeso cho olwaágalaalo éecho chaakolesizwe kumubaamba Yeézu aha bweenzi bwoómwe weényini. Gubeele oluméenko aha baheémba bóona ba Yeézu.

Omwáana wa Múungu: Íziina lya Yeézu. Ni Múungu ayeezile omu nsi nko omuuntu, nko omwáana wa Múungu.

Omwooyo Mutakatiífu: Omwooyo gwa Múungu óogwo alikweenda kutúula omuli áabo abalikumukulaatila Yeézu.

Paásika: Na amazenyi go okuzooka kwa Yeézu. Abayahudi bakaba balya amazenyi ga Paasika kwiizuka nka nikwo Múungu yaabachuúngwiile beesábo enkúlu kuluga omu buhalila okwo omu nsi ya Miísiri.

Yeézu: Izíina lya Mutábani wa Múungu, ensoonga yaályo, ‘Múungu naachuungula’.



OBUCHILO BWA YEÉZU

Enchilo zéetu nizibaandiza ha kuzáalwa kwa Yeézu. Abaantu bakaba bazila oluzeendo lwa amagulu nali bahanama ensíkili, entwaangabuleende nali bahanama ha mgoongo gwe efaláasi. Echinogoka chiháango cha Buláaya, Obutuluka bwa Hagati na Nyakaziinzakazi ya Afrika zikaba zili omu butwaale bwe Echirúumi. Abaantu bénzi bakaba batakumanya kusoma no okwaandika, náho Abayahudi omuli Izraeli bakaba nibamanya, bityo bakeetwa ‘abaantu be Echitabu’.

Múungu naahóoya omu chitabu, omu Bibulia. Weényini no Omuhaangi wa buli chiintu na naayeénda kuba munywáani wa buli muuntu. Yeézu naayoleka echo ha bweélu bwooli.

YEÉZU MASIHI NO OÓHA?

Yeézu akatúula nke emyáaka ebihuumbi bibili (2,000) eyaahiingwiile omuli Izraeli. Nitumweéta ‘Yeézu Masihi’ nali ‘Yeézu Kristu’. Eyina ensoonga nka nikwo no Omukáma. Ti nka nikwo no Omukáma kwoónka. Yeézu akéetwa Omwáana wa Múungu káandi Omwáana wo Omuuntu. Éezi eyina ensoonga nka nikwo weényini ni Múungu káandi no omuuntu. Ehistolia yo obulami bwa Yeézu esoombweelwe omu Bibulia. Ne ehistolia nkulu yo obuchilo bwóona.



IZIRAEI OBUCHILO BWA YEÉZU



Echikaali chikulu: Yeruzaléemu

Emizihwa: Galiláaya, Samaria, Yudea.

Obugazi: Ekilomíita zo omuraba 28,000 ziti.

Entúungwa ze éensi: Enusu tropiki.

Esiasa: Kuluga omwáaka gwa makumi mukáaga ne isatu (63) atakazéelwe Yeézu Abaizraeli bakaba batégekilwe na Abarúumi.

Eserikáali: Omutwáale we Echirúumi, Pontio Pilato, naatégeka Izraeli. Tiberio, Kaizáari we Echirúumi, akamutégeka.

Edíini: Buyahudi. Abayahudi bakaba beena éenzu ya Muungu Yeruzaléemu. Abagabe bakola buli mulimo gwe edíini na heena abeégesa (nka Abafarisayo) áabo eli lwaampaka beegese abaantu ameégeso ge Ebibulia.

Endími: Echihebrania (olulími lwa Abayahudi), Echiyunani (olulími lwa amahaánga), Echilatíini (olulími lwa Abarúumi).



Na aha nsoonga chi abaantu nibakoba aha munóna?



Mwiikale buligi ligi,
obukáma bwa
Múungu nibwiíza.




Abaantu bóna bamweeta omwoólekeezezi óogwo ali
aha munóna, izíina lya Yohana Omubatiza...

Ínye ti kaantu,
niimuloongeza
omuháanda óogwo
alikwiiza kutumanyisa
Múungu noóha.
Alyaábabatiza íimwe aha
Mwooyo gwa Múungu no
omulilo gwa Múungu.
Éecho chilyaábahíindula
íimwe butúnu.



Na ahaleéza...



Ínye ni
lwaampaka
mbatizwe
neewe.




Ahonyini iláka
kuluga omu igulu
lyáágaamba...



Éego, íiwe níiwe
Mutábani
waanze engaanzi
óogwo
nnyesiimahé
neewe.



Íiwe kola
kwoónka. Niho
tuzihikiilize
engoonzi za
Múungu.



Táata, obukáma
bwaawe bwiíze
ne éecho
olikweenda
chikolwe.




No obutaándiko bwe enhilo zéetu ezi niho Yohana Omubatiza yaabaloongize Abaizraeli ha kwiiza kwa Masihi. Obuchilo obu, Izraeli ne echinogoka chiche kwoónka cho obukáma buháango bwe Echirúumi.



Abayahudi, omu nsi ya Izraeli nibeehulila kuba abanaku male abali kweeboneelwa. Abaantu nibabuliindilila aha chihika obuchilo buli Masihi aleesa. Masihi ogu niwe Omuchuúnguzi óogwo okwiiza kwoómwe kukalaganwa omu maandiko ga Abayahudi. Weényini naagakola amazima ga Múungu kufuluma.

Aho aha munóna gwa Yorodáani Yohana Omubatiza naamwooleka Yeézu ha kumutúunga olukumu.



Yeékala okwo weénka ebilo makúmi aána omuchilo na nyemisana. Talaliile choóna chóona. Yaaza omu chisiibo no kusaba abone kuzisoombinkelwa butunu emilimo yoómwe.



Kuba abone kusíinga, Yeézu ni lwaampaka azihikiílize éensi okweenda kwa Múungu nka nikwo abaantu beélige ne echitiíniso cho olufu.



Náho Isitáani omusiíngaangani woómwe naaleengesa kumuha Yeézu ebiteékuza bibi abone kumukoonza koonza atahikiíliza omulimo gwa Múungu.

Koólaaba íiwe oli Mutábani wa Múungu, mbwéenu gahiindule amabáale aga gabe omukaate.

Mmahi! Eyaandikilwe omu chitabu: Omuuntu tiyaákuhicha kutúula aha kutúungwa omukaate gwoónka, náho ha kubaanza naatuúngwa habwe ebigaambo éebyo Múungu agaámba.

Koólaaba íiwe mazima oli Mutábani wa Múungu, yenaguze ahaansi kuluga aha luswi lwe éenzu ya Múungu. Ngási tichilaandikwe nka nikwo bamaléeka nibakusutula omu ngalo?

Káandi eyaandikilwe: Otamuleengesa Múungu.


Léeba. Niinkuha obutégeki bwóona omu nsi kábilaaba noonteelela ebizwi no kuúndamya.

Luheendeho aha, Isitáani we! Eyaandikilwe: Tumulámye no kumuheéleza Múungu weényini weénka.



Kigahiingwiile ago, niho Isitáani kumuleka Yeézu aho. Ahonyini, bamaléeka béeza kumuheéleza.

Yeézu yaásuba owáabo Galiláaya, akaba ayina obuhicha bwo Omwooyo Mutakatífu. Yeézu akakulila Galiláaya, omuzihwa ogu gukaba gwiine abaantu béenzi bwooli. Galiláaya ekaba eli olubazu lwa nyakaziinzakazi lwe nsi ya Izraeli. Obuchilo yaakomeeliile oluzeendo abaantu béenzi bakakwaátangana naze, nibeebuúza no kuteékuza kaálaaba niwe Masihi óogwo empola zoómwe zaayandikilwe na ababaasi...

Hakaba heena amazenyi go obweenga
omuli Kána, omuzihwa ogwo gukaba guli
omu tubaanga twa Galiláaya...



Yeézu nave aliho aha bweenga
hamo na nyina na banywáani
boómwe abáandi.





Kaperinaumu no omuntuulo gwa abategi ogwaakumuukile aha ngeégeelo ye enyaanza ya Galiláaya. Aha niho Yeézu alikubaandiza kugaamba ha bwéelu habwo obukáma bwa Múungu.



Peétero, tubuge obwáato kuza obuziba, okwo niho muzitege emitégo yéenyu.



Mukáma, léeba obwíile kucha tuleéle nitukola omulimo gwo kutéga ha kweéyomeleza obutabonesa chiintu.




Náho habwo kuba níiwe waángaambila oótyo...



Ihano, tiínkusoombook elwa na katí.






Yakobo, Yohana,
mwiíze aha!
Titukahichaga
kwíita eéñfwi
nyíinzi nke ezi!



Ondugého íinye
Mukáma, habwo kuba
íinye ndi omuheni.




Otaákutiina
Peétero!



Mwiíze muunkulaatíle,
néenye niimbakola kuba
abategi ba abaantu.



Yeézu yaáziyeélela enkási zóona za Galiláaya hamo na abaheémba boómwe. Naabeegesa abaantu bóona habwo obukáma bwa Múungu, Naáchíza engaanda zóona za amalwéele no kubiinga amazimu mabi. Abaantu baásobelwa no kumukulaatila. Abáandi bakaba nibaluga noóbú emizihwa eziíndi na abáandi bakaluga Yeruzaléemu.



Echo mweénda kuzililwa na abaantu abáandi, neemwe nicho echo mubazilile.



Weéna wéena óogwo aleeba omukázi aha kumulígilá, yaámazile kusaambana náze omu muganya gwoómwe.



Mutaákuba no okutahwa tahwa habwa nyeéncha. Echa mbele muloondele obukáma bwa Múungu agáandi góona nigakulatila.



Mubeénde ababisa báanyu no kubasabila.



Elíiso no olumuli lwo omubili. Kabiliaaba elíiso lyaawe ni lizima omubili gwaawe gwóna gulí omu mwaanga. Naho kalilaaba lifwiile, nooyikala omu nsimbaazi.



Mukole amazima omu chihwe, mutéena kweéyoleka omu méeso ga abaantu.



Táliho omuuntu óogwo yaaku hicha kuheéleza abakáma bábili, noomuhéeleza Múungu nali noohee leza amabonwa.



Mugahikiílize aga gi ndikubagaambila, niho mulaasusana no omuuntu óogwo ayoombeka éenzu aha luchili. Kamulaaleka kugahikiíliza, niho mulaasusana no omuuntu óogwo ayoombeka éenzu yoómwe aha lugulu yo omusényi.



Chilo chimo embága mpáango za abaantu bakaba nibeemigisiliza,
omu nzu óomwo akaba alimo Yeézu omuli Kaperinaumu...

Titukuhicha nakáti kutaahamo
omuunzu omwo.

Ni lwaampaka tumutaashemo
weényini ne echitwaálilizi
choómwe, kulabila aha luswi
lwe éenzu.

Naahicha aáta ogu
muuntu kugaamba
aátyo?

Naamulogota
Múungu.

Múungu weénka niwe
alikuhicha kuganyila ebiheno.



Ni chíha echilikuhuhuuka
bwooli kumugaambila omuntu
ali enséege: ‘Waáganyiilwe
ebiheno’ nali ‘Yemeelela’?

Heena
chiíha
olugulu
okwo?

Mubaleke! Abanywáani abo
beene okwiikiliza kuháango.





Waáganyiilwe
ebiheno byaawe.

Masihi ayinabwo obuzizi bwo
kuganyila ebiheno náho káandi
naagaámba: Twaála
echitwaálilizi chaawe olibate.









Akabuyaangano ka abaantu kikaakanyile, Yeézu yaalugaho na abaheémba boómwe bayaámbuka no obwáato omu nyaanza ya Galiláaya.












Tomaso na Matayo (óogwo
aha bubandizo akaba ali
omuhaámbya wo obutegeki
bwe Echirúumi)




Tadayo na Yakobo oóndi.



Simoni (omulwaani
empaambazi) na Yuda
Iskariote.



Muzeénde, weéna wéena óogwo alikubeénaánkula
fimwe, áaho naayinaánkula neenye. Káandi, náwe
óogwo alikuunyinaánkula ínye, naamwiinaánkula
óogwo ayansiindikile.



Aba baheémba ikúmi na bábili
nibasuba beena
okusaándukilwa habwe
emilimo yáabo. Kabyaabéele
byaáhingwiile ebyo Yeézu
naáyeénda kuzeenda nabo
ahaantu ahateena baantu,
naho ebipipi bya abaantu
tibaleenzile kubasiga butúnu.

Emyéezo ni mímízi, náho abakózi ni
bache. Mumusabe kanyina wo
omusili, abone kusiíndika abakózi
beenzi babone kugesa emyéezo.



Yeézu naazeendeleta káandi kwoólekeelela no kuchiza abalwéele. Oobu lyaagwamo...



Nóobu twaakubeele tuguzile ebyookulya bíche kwoónka habwa buli muuntu, bye edináali magána abili tibyaákubahikile aba baantu bóona.

Aliho aha omusígazi oómo óogwo ayina emikaate itaanu ne eénfwi ibili inche. Tihéena echíindi cho obusáago.


Mubeekáze abaantu bóona empelo ya abaantu makúmi ataanu.




Yeézu naámusíima Múungu...



Yaázendeleta kwoónka kugaba emikaate ne ezo nfwi.



Ebihuumbi bya abaantu nibaliíswa obuchilo
Yeézu naakanyisa ebyookulya ebyo...




Ni lwaampaka
tumukole kuba
omukáma.


Ogu niwe Masihi wa Múungu
óogwo alikutegezwa nka
nikwo aléeza.

Léeba heena
ebitukulu ikúmi na
bibili ebiízwiile paa
éebyo ebyaásigalila.






Obuchilo bwaáhika abaantu batáahe. Íimwe,
muhanáme omu bwáato bwéenyu mwaambuke.
Íinye niinsigala aha omu ibaanga kusaba.





Heena abaantu abalikweenda kumukola Yeézu abe omukáma. Boónyini nibategeza nka nikwo omu butegeki bwoómwe, obutegeki bwe Echirúumi nibwihibwaho. Nabo abasingangani ba Yeézu, niboongela. Nibazeendelela kumusaayiliza ebilo byóona. Nibeénda kumuteéleleza ha baantu no kumusiingaalicha.






Ahéelu ye echikaali cha Yeruzaléemu entulo nyínzi abaantu beétwa. Nibabaámbwa ha musalaba, ogu nigwo omuchwaáziko enduluhe gwa Abarúumi.



Kaálaaba omuuntu weéna wéena naaloónda kuba omuheémba waanze, naayeéndelwa aleke kukulaatila ebiteékuzo byoómwe asutule omusalaba gwoómwe na ankulaatile.

Omuntu óogwo alaayeénda kuchuúngula obulami bwoómwe, alyaábubuza; naho óogwo alaásiingaalicha obulami bwoómwe ha bwaanze, alyaábuchuúngula.




Nooyeendelwa kumanya nka nikwo heena Múungu nyakámo wéenka.

Echigaambo echili chikúlu no kumwéenda Múungu waawe aha muganya gwaawe gwóona, no kubeeénda bazeenzi baawe nko óokwo olikweéyeenda íwe nyini.



Obuchilo oobu omuli Israeli hakaba heena ebyaaloo bya ababéembile. Obubéembe bukaba buli ubulwéele bwo kutiinisa abaatulilwe obulwéele oobwo tibalakuundiilwe kutulaanila na abaantu abatali abalwéele.







Ababéembe bateela eyoombo hoóna hóona hi balikuza kubakaama abaantu abaandi nka nikwo nibeéza.

Mulamanya!
Ababéembe!
Ababéembe!



Yeézu Mukáma!
Otuganyile.






Abeébeembezi ba Abayahudi
omuli Yeruzaléemu
nibasiindika abahalila báabo
hali Yeézu, kuba babone
kumucheengelela kaalikuba
ali omu luceendo. Boónyini
tibakweenda butúnu ebyo
yaabeele naakola ebye
ensoonga, bakaba nibeénda
bamuchwaáziike.

Naakoba na abaantu abeena entúungwa mbi nka
abasiihani na abahaámbya abalikukolela Abarúumi...

Masihi ayizile kuloonda no kuchuúngula
abaantu áabo ababuzile.



Habwe ensoonga Yeézu achiza
abalwéele echilo che endaálikizo
éecho chitakuundiílwé kukola
omulimo...

Chila!



Na abáana abeenda ha
keendele ka weénka...

Mubaleke abáana abato beéze
hali íinye. Manya obukáma bwa
Múungu no bwa abaantu abo
abali nka abáana aba.



Yeézu naayetwa kuza Betania, omutúulo oguli héehi na Yeruzaléemu. Lazáaro no omulwéele, weényini Lazáaro na banyáanya, bali Mariamu na Marita na abanywaani bakulu ba Yeézu, Yeézu kalikuhiha Betania mala ahulila empola nka nikwo Lazáaro yaamazile ebilo bina ali omu chitúulo...



Mukáma, káwaakubeele oliho aha, munyaányeenye tiyaákufwiile.



Íinye níinye okuzooka no obulami. Alikuunyikiliza ínye náaba omulame. Ngási, noogeekiliza ago Marita?



Munyaányoko naázóoka, Marita.



Mazima Mukáma, niinyikiliza nka nikwo íiwe oli Masihi, Mutábani wa Múungu, óogwo alikwíiza omu nsi.





Éego niinsoomboókelwa nka nikwo aha chilo cho muheleeluko cho kuzooka kwa abaantu, náwe alaázooka.





Mumuzükile nkáhi?




Mukáma, iíza ohaléebe.






Ha káanya akahiíngwiile, hakaba
heena amazenyi okwo Betania...






Geéliliza kuhika amazenyi ga Paásika,
ebipipi bya abaantu bakaba bali omu
luzeendo kweélekela Yeruzaléemu.




Om u chikaali cha
Yeruzaléemu abeébeembezi
nibalya enteba zo kumuta
omuli itaanu. Noobu bityo
weényini naázayo.






Éenzu ya Múungu eli omu chikaali, niyo entabuko ye edíni ye Echiyahudi.



Obuchilo bwe echilo chikúlu cha Paásika, omwáana gwe entaama gubaágwa.



Echinogoka cha buli mwáana gwe entaama chisohozwa echitáambo omu nzu ya Múungu habwa abaantu kubona kubakwaátanisa na Múungu.



Náho, echitáambo chita cho omwáana gwe entaama nichihicha amazima kubeéhilaho abaantu ebiheno byáabo?






Omú lubuga lwe éenzu ya Múungu abaantu nibakola isuluza no kuhiingga empilya.




Kuhumbiliza no kuhumbulula, Yéézu nawe naayesuúlulukiza aho.






Éenzu ya Múungu elyáaba
éenzu yo kusabilamo. Náho
íimwe mwaázihiindwiile
kuba ényaanga ya
abasaakuzi!




Ogu naayelekela kuba omuuntu
we entaambala, náho abaantu
nibetegeeleza buli chigaambo
éecho alikugaamba.




Amazima, ni lwaampaka
tuloon��e akáanya ko
kumusiingaalicha.



Yeézu yabikolesa ebilo
 ebyaasagile chitakahikile echilo
 chikúlu cha Paásika omu
 kubolekeelela abaantu omu nzu
 ya Múungu, noóbu bityo
 abatégeki bakaba nibasicha
 chibe chigumile hali wenyini.
 Niho kubasiíndika Peétero na
 Yohana, akabagaambila,
 "Muzeénde kutuloongeza
 echookulya cha Paásika, tubone
 kwiiiza kulya hamo."



Obuchilo bwo olweebazo olwo Yeézu na abaheémba
 boomwe ikúmi na bábili nibabugana omu muzihwa
 babone kulya amazenyi ge echilo chikúlu cha Paásika.



*Niinkola iíntyo
 omuchilo omu.
 (Yuda yeélahiza)*






Ndigiíle bwooli kulya echí
chookulya cha Paásika
hamo neemwe ncháali
ntakaágaleezwe.



Abeene obutégeki nibabatégeka
abaantu lwa amagala, náho
fímwe, mutákukola mútyo.

Omuuntu óogwo alikweenda
kuba mukúlu omuli fímwe,
naayeéndelwa kuba
omuzáana wáanyu.




Íinye ndi ahagáti yáanyu
nko omuzáana wéenyu.






Aheezile, olweébazo olwo,
Yeézu na abaheémba boómwe
baasoholamo omu muzihwa,
Yuda akaba atali hamo nábo.



Ínye niimbasiga íimwe mweénka, náho
Táata naabasiindikila Omwooyo
Mutakatífu, ogwo alaabahweela na
naaba neemwe omwáanya gwóona.



Íimwe nimusoomboókelwa
omuháanda gwo kuhika áaho
ndikuzeenda.



Ínye nínye omuháanda, na
amazima, no obulami.
Tihaliho omuuntu weéna
wéena óogwo ayaakuhicha
kuhika ahali Táata kaálaaba
atakalabiile hali ínye.



Mwiikale aha,
ínye niinyililaho
káche niinzeénda
okwo kusaba.



Táata, kábilaaba nibikuundilana,
onyihileho olwaágalalo olu.



Náho oteéza okakola
nko óokwo ínye
ndikweendaho,
choónka okole nko
óokwo buli obweenzi
bwaawe.



Yeézu natwáalwa aha mugabe mukúlu, oogwo ali omukulu wa abeembezi bóona na Abayahundi. Peétero na Yohana nibamukulaatila bwa hala.



Peétero yaataahamo omu gati yo olugo lwo omugabe mukúlu.



Ngásí! Íwe mbele otali hamo náze?

Leka omutuumango! Ínye no obuche bwa katí tiínkumumanya ogu muuntu.

Mwoózo. Áago olikugaamba, tiínkugamanya.



Íiwe oli oómo wáabo nali tikwo?



Tikwo!
Tiínkumumanya.

Niinyitegeleza butúnu, íiwe ootyo nyini mbele oliho aho, neewe nyini oli omunya Galiláaya.






Yeézu yaáyemeelala omu méeso go omutégeki we Echirúumi, Pilato. Abeébeembezi ba Abayahudi nibasunikiliza abaleebelezi. Nibateéla eyoombo no kusohoza ebilegelelo bunaanka bunaanka.



Íiwe nogaamba oóta hali áago góona balikukulegelela? Ngási toyina no óobu cho kugalula?



Ngási waakola chiíha?





Íinye nkeeza kusínza amazima.







Amazima ni chiíha?

Íinye tiínkabonesize echiheno choóna chóona ha muuntu ogu. Ne echilo chikúlu cha Paásika. Ngási, niimukomoolola oóha, Baraba nali Omukáma wa Abayahudi?









Baáyaandika echibaáho cha amaandiko omu ndimi isatu no kuchita ha lugulu yo musalaba aha mútwe gwoómwe, nacho chaandikilwe chiti: Yeézu Omukáma wa Abayahudi.



Yeézu nayaángga kunywa evíni yo kuzibila obusaasi.



Abalwaanila ngoma babyeésela olweeso ebizwáalo byoómwe.



Nikwo, ngási talachuungwiile abáandi?

Kábilaaba oli Mutábani wa Múungu mbwéenu otuúke aha musalaba.

Íiwe tokumutíina Múungu no obuche bwa kati. Íichwe twaáchwaaziikwa ha mazima, kwiingana ne ebikolwa byéetu, náho omuuntu ogu, takozile echiheno choóna chóona.

Onyizuke obuchilo óobwo olaaza omu bukáma bwaawe.

Mazima butúnu niinkugaambila, leélo ezi nituba hamo omu Butúulo bwo Kunulilwa.

Oyechuúngule íiwe nyini!
Neechwe nyini!



Obuchilo nke esáaha
mukáaga zíti nyemisana,
izóoba lyaláala haaba ne
ensiimbaazi éensi yóona
kuhicha esáaha mweenda.

Mariamu, nyina wa Yeézu no
muheémba Yohana bakaba
beemeeliile héhi no omusalaba.


Obu iimwe muli
omwáana na nyina.

Múungu waanze, Múungu
waanze! Ha bwaáchi
waánnagilana?

Naázila
...iliho.

Táata! Omu ngalo
zaawe naákuheéleza
omwooyo gwaanze.

Ga...áhwa.



Yeézu naáfwa esáaha
mweenda izoóbá
lyaaheenzile omukono.
Omulwaanila ngoma oómo
yaámuchumita Yeézu ni
ichúmu aha lubazu. Ahonyini
enságama na méenzi
byaásululuka.



Ebitabu nibigaámba:
“Akatwáalwa nke entaama
elikuzeenda kubáagwa.”



“Akachumitwa no kuhoondwa
habwe ebiheno byéetu.” Náho
oobu yaáfwa.



Ngási, ogu niwe
Masihi ayategiizwe
kwiiza nali tiwe?



Nahoónyini, tuzeénde
kuseega okukuúndilwa
kwo kumuziika.



Yozéfu omunya Arimatea na Nikodemo baátwáala
omutúumbi gwa Yeézu. Baáguzíngä omu isáanda hamo ne
emigaazu, no kuguta omu mbi. Baahiliingisizáho ibáale
liháango ha mulyaango gwe embi.


Ne echilo cho kuhuumula cha
Paásika kichahiíngwiile,
abakázi bunaanka, abeene
entíimba bwooli, baázeenda
hali eezo mbi.



Kanimuloónda ali
mwooyo omu bafwiile?
Yaázooka! Muzeénde
mubagaambile
abaheémba boómwe.





Kuhulila ebi, Peétero
na Yohana batamo
olubilo kuza aha mbi.



Eémbi
eli busa
butúnu.





Ha chilo echo nyini, abaheémba bábili ba
Yeézu, ookwo bafwiile omuganya,
babugana omuhiínguzi baaba nibazeénda
nibeeteekelela empola za amagaambo
góona áago agaagwíile...

Ha bwaáchi timukuhicha kwiikiliza buli áago
gaagaambilwe na ababáasi? Ngási, ti Masihi akaba
ahikiiliilwe kulabila ebyágalazo? Ago góona
gaandikilwe omu Maandiko Matakatífu.

Kuhumbiliza no kuhumbulula
ahonyini omuzenyi wáabo
yaabahwáho aha méeso...

Náho, ogwo mbele
ali Yeézu weényini.

Ha buchilo obwo nyini entulo eémo,
baázenda omuli Yeruzaléemu kuloondela
entumwa za Yeézu abáandi.

Mariamu na Peétero
na boónyini
baámubona.

Kuhumbiliza no kuhumbulula...

Obuhóolo bube neemwe.

Ngási, íimwe timukwiikiliza kuba
íinye nínye? Muundéebe emikono
yaanze na amagulu gaanze.

Mukáma
waanze na
Múungu
waanze!

Yeézu akaba naayeyoleka hali ezo ntumwa káandi na káandi, omwáanya gwe ebilo makúmi aána. Ahaakulaatiile akeeyoleka aha beekiliza áabo basaagile magana ataanu chilo chimo, obuchilo abaheémba boomwe abandi bakaba nibatéga eénfwí omu nyaanza ya Galiláaya....

Báana baanze, ngási, mwiina echookulya choóna chóona?

Mmahí, titwaákwaasa eénfwí yoóna yóona.

Munaguze omutego olubazu lwo obúlyo lwo obwáato.

Múungu waanze!
Eénfwí nyíinzi bwooli!

No Omukáma!

Mweégesa!

Mwiíze mulye ebyookulya neenye.




Ngási, Peétero
noonyeénda bwóoli?



Íiwe Mukáma, noomanya
góona. Noomanya nka
nikwo niinkweénda.

Liísa entaama
zaanze.




Nkulaatila!

Múungu ampeelee obuzizi bwóona
bwo omu igulu no bwo omu nsi.
Muzeénde omu baantu ba
amahaánga góona no
kuboólekeelela babe abaheémba
baanze. Muzile mútyo aha
kubabatiza omu izína lya Táata,
ne lyo Omwaana ne lyo Omwooyo
Mutakatiífu. Nimubeégesé
kweékomya byóona éebyo
naábalagiile fímwe.



Mwiizuke, ínye niímba mbaliho
neemwe ebilo byóona, kuhicha
omuhélo gwe enhilo.



Yeézu yaámubúuza
Peétero ibúuzo eli
entúlo isatu...


Yeézu yaálugileho. Abaheémba boómwe nibaliindilila omuli Yeruzaléemu nibasaba. Omwooyo Mutakatífu, Omwooyo gwa Múungu gwabahanaántukila no kuza omuli boónyini. Omwooyo ogwo nyini ali omuli Yeézu niwe obu káandi naatúula omuli boónyini. Naabakola ebihaángwa bisha no kubaha amagala go kusínza habwa Yeézu.

Olufu tilukuhicha kumukóma Yeézu. Múungu akamusubiza obulami bwoómwe. Múungu akamukola kuba Omukáma wa abakáma.



Abaheémba ba Yeézu nibaza hoóna hóona omu nsi hamo no kubaho abweehakanisa buháango.

Yeézu ni Mutábani wa Múungu.



Empola nzima éezo ekasuúgaaniswa na aha muháanda gwo olwaandiko.

Akatwáala ebiheno byéetu omu mubili gwoómwe weényini kayaafwíle ha musalaba. Ezo niyo ensoonga nitufwa habwe ebiheno kubandiza oobu no kuzeendelela, nituhicha kulama nka nikwo Múungu alikweenda tutuúle.

Oobu abaheémba ba Yeézu hóona omu nsi nibabugana no kusába hamo no kusoma Ebibulia. Nibagumenyula omukaate no nibanyweelana echikóombe che evíni ha kwiizuka olufu lwa Yeézu. Nibakoba engoonzi za Múungu ezili omu myooyo yáabo na batuuzi báabo.



Yeézu nababonesa abaantu
kuhikiiliza omweétegeko gwa
Múungu.



Yeézu naakweénda!
Omusiime no
kumulámya.

Múungu akabéenda bwooli abaantu
bóona be éensi ezi. Niyo entaahililo
akamusohoza Omwaana nyakámo
kwiiza omu nsi ezi, kuba buli muuntu
óogwo alikumwiíkiliza atasiingaálika,
náho aábe no obulami bwo obucha no
obuchiile.

WILLEM DE VINK

EBIBULIA

Olugano lwa Yeézu no obwiizukizo omu Bibulia. Tihéena echitabu echíindi echaalasomilwe ne echilikusomwa oobu nyini, entulo nyínzi bwooli kuchila Ebibulia. Ne echitabu echiiziwiile ebitabu. Ekatwáala emyáaka echihuumbi na magana ataanu (1500) kwaandika ebi bitabu byóona. Ebibulia ekahikiilizwa kukolwa nke emyáaka echihuumbi na magana mweenda (1900) ehiingwiile. Neeteelanisa buli lugaanda lwe engano habwa Múungu nko óokwo yeesuulwiile omu bulami bwa abaantu. Olugano lwa Yeézu nilwooleka bwooli Múungu no oóha.


EHISTOLIA YA YEÉZU

Ebibulia neekwaatanisa ebitabu 4 éebyo bilikusoomboola obulami bwa Yeézu. Bigaambilwe ha kukulaatila amazíina ga abaandiki. Abaandiki bóona bakalama ha buchilo bwa Yeézu.

1. **Matayo** - omuheémba wa Yeézu akakola emilimo nko omutobesa wo oluhaambwe. Naateekelela nko óokwo Yeézu yaabeemanyile abaantu ba Izraeli (Abayahudi).

2. **Mariko** - akaba achili omusigazi obuchilo óobwo Yeézu yaabeele naakola emilimo. Akaandika bwooli habwa amahano áago yaakozile Yeézu.


3. **Luka** - akaba ali omulaguzi. Weényini weénka talamumanyile Yeézu. Luka naasoomboola óokwo Yeézu alikubeemanya abaantu.



4. **Yohana** - weényini nawe akaba ali omuheémba wa Yeézu. Weényini naayoleka omu kukomeenteleza Yeézu no oóha. Yeézu ni Múungu, óogwo akaba omuuntu kuba abáhe abaantu obweéyagaaluzi kuluga omu biheno.

OKUZÁALWA KWA YEÉZU

Nyina wa Yeézu, Mariamu, akaba atakakuúmpwiilwe obuchilo Yeézu yaazéelwe. Akaba achili omubiíkila. Omweétegeko gwa Múungu gukaba guli nka nikwo Yeézu azaálwe. Ihano elyo likataátulwa omu bitabu bya kala butakahikile obuchilo bwa Yeézu. Yeézu talazeelwe nke emaanzi nali omukoza nsoni. Akazalilwa omu chibuga cho kuliilamo éente, habwo kuba bakabulwa echiseenge.




AMAHANO GA YEÉZU

Yeézu akakola amahano méenzi. Ebibulia neesoomboola akachiza abaantu obusáago bwe entulo makumi aána (40). Ha muháanda gwa amahano, Yeézu naayoleka amagala ga Múungu ne engoonzi zoómwe. Akooleka nka nikwo Múungu naayeénda kubahweela abaantu no kubakola babe na amanulilwa.



OKUFWA KWA YEÉZU NO OKUZOOKA KWÓÓMWE.



Ha bwaáchi Yeézu akafwa? Obusoomboozi busohweezwe omu Bibulia.

Obuchilo obúundi abaantu bóona nituhena. Amagaambo áago gatakumunuliza Múungu no kumukola atamwe nali kuzila entiimba. Amagaambo áago nigeétwa ebiheno. Ebiheno byóona nibihicha kuzibila abaantu kuba banywáani ba Múungu.

Ezo niyo ensoonga ya Yeézu kwiiza. Habwo kwisohoza kwoómwe Yeézu akatwáala weényini nyini omuchwaáziiko gwe ebiheno byéetu. Omuchwaáziiko ogwo gukaba gulí olufu. Kuluga Yeézu aáfwe ha bwéetu, nituhicha káandi kuba abanywáani na Múungu. Náho nitweendelwa kusaba echiganyizi habwe ebiheno éebyo tukozile.

Yeézu akazooka kuluga omu bafwiile. Múungu akamukola kuba omulame káandi. Habwe echikolwa echí Múungu akatwoóleka nka nikwo weényini ayina obuzizi bwooli kuchila olufu.

Óobu Yeézu naayikala na Múungu na habwo kuba ali omulame, kati buchilo naahicha kuba munywáani wéetu. Naayeénda kutuhweela íichwe kutúula ha muháanda ogulikumunuliza Múungu.

OKUSABA

Koólaaba okatamwa habwe ebiheno éebyo okakola na koólaaba nooyeénda kuba munywáani wa Múungu, waakaáhicha kusaba oóti:

“Múungu owe engoonzi, noonyeénda.

Okamusiíndika Yeézu, Mutábani waawe nyakámo.

Akafwa ha musalaba habwe ebiheno byaanze byóona éebyo naakozile.

Niinsaba onganyile habwe ebiheno éebyo naakozile. Onganyile bwooli, nganyila.

Waákola, nka nikwo Yeézu ali olubazu lwaanze.

Obuchilo bwóona niinyeénda iímbe owaáwe.

Niinsaba ompwéele ntuúle obulami óobwo olikweenda ínye ntuúle.

Oóbe héehi neenye buli buchilo.

Waákola habwo kwiikiliza okusaba kwaanze.

Íiwe nookola buli éecho olikulagana!”

YEÉZU NEEWE

Olugano lwa Yeézu lwiina omuhelo gwo obweélu. Yeézu akaba ali munywáani wa abaantu bénzi bwooli, kuhicha óobu. Éensi yaahiindukile. Abaantu bénzi tibakuzila oluzeendo lwo kuhanama aha nsíkili nali kuhanama halugulu ye efaláasi náho nibazeénda habwe emoótoka ne endege. Náho ezi tekukola obutaaniso hali Yeézu. Yaakaáhicha kuba neechwe nko óokwo yaabeele alibata Izraeli. Takubonekana náho weényini na amazima.

Naayeénda kuba munywáani waawe leélo. Muhuliilize na waakaáhicha kumwéenda weényini.

Ngási, nooyeénda kusoombookelewa bwooli habwa Yeézu no obulami bwoómwe? Waakaáhicha kukola aga agalikukulaatila:

1. Baánza kusoma Ebibulia íiwe nyini

(ha mususano: baánza kusoma echitabu echaándikilwe na Luka).

2. Baánza kusaba

(hóoya na Múungu na omuhuliilize weényini - kukozesa ebigaambo ebitiilwého).

3. Hóoya na abaantu abáandi habwa Yeézu ne Ebibulia.

Yeézu naayeénda abaheémba boómwe babugane hamo no kweétiimbya emiganya no kweéyega bwooli habwa weényini.

Text and illustrations: Willem de Vink.

Copyright © 1993 Stichting Wereldtaal, Rotterdam, The Netherlands.

Published in Dutch as "Jezus Messias".

Edition in Zinza (Tanzania) © 2025

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com

<https://www.jesussmessiahcomicmedia.com/tanzania>

YEÉZU MASIHI Olu no olugano lwa amazima lwa Yeézu Masihi. Akatúula Izraeli ha myáaka ebihuumbi bibili (2000) eyaáhiingwiile. Buli muuntu ayaabugeene naze akasobezwa. Tihaliho omuuntu ayaakozile echíintu éecho akakola Yeézu. Tihaliho omuuntu ayaagaambile echíintu éecho akagaamba. Amahano gakakolwa áaho Yeézu yaabeele aáli. Na akaleeta amanulilwa na amanulilwa hali abaabeele nibamuhuliiliza. Mala yéeza kuba omuhelo. Ababisá boómwe bakaba beenaze kuhotolwa. Náho ogwo tigulabeele omuhelo. Soma íiwe nyini óokwo byaabeleho na oléebe óokwo olugano lwa Yeézu Masihi lulikuzeendeleta.



Olulími: Echiziinza
Language: Zinza (Tanzania)
ISBN: 978-94-93178-85-4